

SRS Società Randulins Sent

Protocol

**Radunanza da fundaziun da la società,
venderdi als 14 avuost 2008 a La Grotta**

Las iniziantas per fondar üna società SRS, Ida Zisler e Nicoletta Scheucher han invidà a tuots Randulins per la solita festa d'avuost, pero cul invid spezial per fondar davo la festina, üna società cul nom Randulins da Sent.

Davo salüds ed aperitiv, sco introducziun a quista radunanza vain sunà da las duos iniziantas cun ün toc da musica a quatter mans sül clavazin da la Grotta.

A las 18.45h riva la presidenta dal di, Ida Zisler la radunanza e po bivgnantar üna quarantina da Randulins. Ün salüd special drizza ella als invidats:

pel cumün, al capo Jon Carl Rauch e
per la SÜP, al president Georg Buchli.

Per evitar malinclettas vain manada la radunanza in italian.

Ouravant vain fattta la dumonda: “*Exista insomma la voluntà da fondar üna società da Randulins?*”

Sainza vusch cuntraria, q.v.d. unanimamaing demuossa la radunanza quella voluntà.

In seguit vegnan scumpartits ils tschantamaints stats preparats sco proposta da las iniziantas, e quai in lingua rumantscha ed in lingua italiana.

Nicoletta Scheucher-Salmon prelegia artichel per artichel in dand adüna liber la discussiun lasupra.

Ils tschantamaints vegnan acceptats fand ils seguaints müdamaints:

Ils criteris per pudair d'vantar commember da la SRS vegnan mis ouravant sco preambel:

In società pon entrar persunas e lur dscendents d'origin da Sent, emigrats principalmaing in Italia.

Votaziun: unanim

L'artichel II 4 vain müdà e tuna:

La SRS ha sco mera da svagliar e cultivar l'amicizcha tanter ils Randulins e da cultivar il contact tanter cumün da Sent e Randulins.

Votaziun: gronda majoranza, sainza vusch cuntraria.

L'artichel III 5 vain müdà e tuna:

Commember/ra da la SRS po dvantar chi chi accumulscha ils criteris tenor il preambel, chi ha cumpli 16 ons e chi paja la cuntribuziun annuala.

Votaziun: unanim

L'artichel V 11.1 vain müdà e tuna:

La radunanza generala es l'organ superiur da la SRS. Ella vain salvada annualmaing il mais avuost.

Votaziun: gronda majorità, 1 cuntravusch

L'artichel V 11.2 vain müdà e tuna:

Radunanzas generalas extraordinarias pon gnir convocadas da la suprastanza o sün pretaisa d'almain 1/3 dals/las commembers/ras.

Votaziun: unanim

L'artichel V 11.3 vain müdà e tuna:

La banida a la radunanza generala o extrordinaria ha da seguir almain 20 dis ouravant.

Votaziun: unanim

L'artichel V 12.6 (limit spaisas suprastanza)

Vain strichà sainza gnir rimplazzà.

Votaziun: unanim

Davo avair fat ils müdamaints sco descrit vain vuschà amo üna jada sur dals tschantamaints in general :

Votaziun : unanim, cun applaus !

La società Randulins Sent SRS es fondada!

I seguan las tschernas tenor art. V 11.4 dals tschantamaints novs :

President/a: proposta per Ida Zisler:

Ida Zisler vain tschernüda cun applaus! Ella accepta la tscherna.

Comembers da suprastanza:

proposta per Nicoletta Scheucher-Salmon:

Nicoletta Scheucher-Salmon vain tschernüda cun applaus! Ella accepta la tscherna.

Proposta per Libero Agrelli:

Libero Agrelli vain tschernü cun applaus! El accepta la tscherna.

Revisuras da quint:

propostas per Lucy Milde-Zisler e per Rea Camagni-Lardelli
**Lucy Milde-Zisler e Rea Camagni-Lardelli vegnan tschernüdas cun
applaus! Ellas acceptan la tscherna.**

Sco ultim vain decis sur da la cuntribuziun annuala, tenor art. V 11.4.

Davo animada discussiun vain fixada la cuntribuziun annuala sün fr. 20.00

Votaziun: gronda majoranza, sainza cuntravusch.

Varia

In nom da la società d'Ütil public (SÜP) da Georg Buchli expressiun a grond plaschair da la reuschida da la fundaziun da la SRS chi's po sentir sco sour da la SÜP. Quella d'eira probabelmaing gnüda fondada da randulins avant il 1881. El gratulescha per l'iniziativa e'l schlantsch demuossà ed intuna in special, cha la suotsecziun da la SÜP, ils Sturnels, nun haja absolutamaing nöa dachefar culs Randulins. Quai sun otra gliעד, cun oters böts.

Il capo cumünal, Jon Carl Rauch demuossa plaschair davart da cumün cha'ls Randulins as han units. Il cumün as es consciaint cha'ls Randulins han adüna jovà üna gronda rolla a Sent ed influenzà il cumün a quai ch'el as preschainta hoz.

A las 21.15h ingrazcha e serra la presidenta la radunanza.

I segua ün film sur dals Randulins d'avant ca. 25 ons.

Pel protocol:

.....
sig. Nicoletta Scheucher Salmon

Sent, 16. 08.2008